

جمعیت علمیة اسلامیة نك ناشر افکاریدر

صاحب امتیاز:

فاتح مجیز در سعاملرندن
استانبول مبعوثی
مصطفی عاصم

سر محرر:

فاتح مجیز در سعاملرندن
توقاد مبعوثی
مصطفی صبری

مدیر مسئول:

مکتب قضاة معلملرندن
کلیسلی منیر

مندرجات

سیغورطه ، قاردن مابعد	مصطفی صبری	جمعیت علمیة اسلامیة	خالص الفؤاد
المرء للماعدو جهل	اسماعیل حق	قونیة اصلاح مدارس طلبه نك نطقی . مشرق عرفاندن ادبیات	
طلبه قرداشلریمه	علاءالدین روحی	ترانه تجیل	ابن حازم نعیم
بیروت جمعیت خیریة نك بیاننامه سی		ترکستان آغانه سی	. . .

نسخه سی ۱ غر وشددر

آبونه اجرتی (پوسنه اجرتیله برابر در)

مناك اجنبیه ایچون :
۱۳,۰۰ فرانق
» ۶,۰۰

استانبول وولایات ایچون :
برسنه لکی ۵۰ غروش
القی آیلغی ۲۰ »

درج اولنیمان اوراق اعاده ایدلمز

قار نلرمزه

اکثر مقالاته آیات کریمه واحادیث نبویه درج ایدلمش بولندینی نظراعتبارہ آلهرق رعایتسزلکده بولنامامسی رجا اولنور .

در سعادت

شرکت طبعیه مطبعه سنده طبع اولنمشدر

امت ، محض رحمت ملت وایکی جهانده غمرا العین امت .
سرتاج افتخار ملت اولان حضرت فخر کائنات علیه
اکمل التحیات اقدمز ایله قبل الیهدن کتیردیکی قرآن
معجز البیاندر نه بیوک رحمتدرکه انسانلر طوفان
جهالت و بداوتک امواج دهشت افزاسی اوکونده یووار
لانوب کینمکده ایکن حضرت فخر عالم (صلی الله تعالی
علیه وسلم) اقدمز بعث بیوریلهرق ارباب هدایتی ساحل
سلامته آتدی چوق کچمدهن چار اقطار عالم کلزار
معارف کسیدلی . بتون اقوام وعلی الخصوص بتون قبائل
عرب بری برینه هجوم ایدهرک یکدیگریک قانتی ایچمکه
مفتخر ، آره لرنده یک وحشیانه افعال و عادات جریان
ایتمکده ایدی . وقتاکه شمس منیر نبوت افق هریدن
شعشعه پاش انجلا اولنجه اووحشیانه معاملهر نهایت
ویرلدی ، بتون جهان هله عربستان تازه حیات بولدی
ماللر ، جانلر ، عرضلر تحت تأمین آلندی . بتون اندیشهلر
بر طرف ایدلدی . بو کونکی مدنیتک اساسی و عملی او
کوندن اعتباراً قورولدی ملت نخبه اسلامیهک ایکی
جهانده سعادت و سلامتی تامین ایدلدی .

ایشته یارلی لایقی وجهله بو ذات رسالتپناهی به نه
صورتله تشکراتده بولم یه کندی خزینه بی نهاییکه
حواله ایدهرز یالکیز روح بر قوت روح رسالتپناهی به معلومات
الهیکه عددنجه صلوات و تسلیات تقدیم ایلرز او منبع
فیض نبوتپناهی دن اخذ ایله جهانده نشر فیوضات
ایدن خانه دان رسول الله و بتون صحابه کرامهده عرض
تحیات و رضیاته بولنورز . بو موفقیتلره یگانه سبب
اولان مشروطیت مشروعه مزک نکهبانی بادشاهمز سلطان
محمد خان خامس اقدمز حضرتلرینک عمر وشو کونلر-
ینک مزداد و اعدای دین و وطنه دائماً غالب اولمیرنی
جناب حقدن دیلرز اقدم ! شو عرض ایدهرکچم پریشان
سوزلر هیئت فاضله لرینه قارشی ایراد نطق دکل آنجق
ارقداشلرمله برابر اصلاح مدارس خصوصندهک حسیاتمزی

قونیهده منتشر مشرق عرفان غمرا ته سندن:

عالم اسلامیه ۲۷ شباط و ۱۸۳۳ نومرولی نسخهنده
اصلاح مدارس حقننده بوجه آتی تبشیر وجد
آورانده بولنیور .

یکن جمعه کونی قونیه اصلاح مدارس اسلامیه
جمعیت خیریه سی ایکنجی شعبه ایکنجی صنف طلبه سنک
خصوصی امتحانلری علما و محیتمندان اهالیدن مرکب بر
هیئت میزه حضورنده غایت پارلاق بر صورتده اجرا
ایدلشدر . سنلری هنوز اون آلتی بی تجاوز ایتماش بو
کوچک اقدملرک آز بر مدت ظرفنده اکتساب و ابراز
ایتمکلی ملکه علمیه خصوصیه محاوره صریبه هیئت
محترمه طرفندن صوک درجه تقدیر ایدلشدر . و ایچلرندن
بخارالی زاده عثمان افندی طرفندن مؤسس و معاونلرینه
تشکری حاوی کال سربستی ایله ایراد ایدیلن نطق
هیئت کرامی صوک درجه متأثر ایتمش ، اغلاتمشدر .
اهمیتنه بناء بوجه آتی عیناً درج ایدیورز .

بو قدر بدایع و انتظامیه بتون کائناتی هیچ بر
نونه سز ، اورنکسز خلق و ابداع بیوروب آهسته آهسته
کالته ایصال بیوران ذات اجل اغلایه بی حد حمد و ثنلر
ایدهرز . انسانلری سائر خلایق ایچنده مکرم ، جوهر
عقل ایله هر صنفدن ممتاز بیوران ذات اقدسینی یه کال
تقدیس ایله تقدیس ایدهرز . بزی مادی و معنوی هر درلو
نعمتلره غرق وعلی الخصوص بزی شو اصلاح مدارس
طلبه سی اولق شرفته نائل و واصل بیوران منع حقیقی به
جهه نهاد سجده شکران اولورز . بتون دریالر مرکب ،
نوم اغاچلر قلم اولسه یه نعم آله سنک قسمماً تعداد
بیان ایدیلهمیه جکئی اعتراف و تصدیق ایله بردها سجده
مظیمه قیانیورز . نعم جلیله الهیهک الکبریوکی عین حیات

و قدسیتی بتون جهانہ نشر و اعلان ایدہ بیلیرز حیفا کہ
 بز بونلردن حالا بیکانہ بولایمورز . فنون و معارف نہ قدر
 توسع ایدرسہ عامیہ مز کدہ تحصیل . معلوماتی او قدر
 توسع ایتلیدر کہ او کی فنی دین علیندہ بازیجہ آمل
 اتخاذ ایدنلر کندی ایسلیرنی کندی بوغازلرینہ طوقلی
 ز عملری کی دین مانع ترقیمیدر یوقسہ مشوق تعالی ،
 مأسس مدینتمیدر نہ اولدیغنی کوسترملی بوضورتلہ شر
 یعت غرایہ نظر نفرتلہ باقائلری نظر محبتلہ باقیدرملی .
 حقایق دینہ دن فلسفہ علمیددن بی خبر بولان او کی
 یچارہ کافی شریعت سمحہ بیضانت آغوش لطفنہ آملی ،
 آنلری اورایہ ایصنیدرملی کہ دین مبینک علویت و قدسیتی
 یار ، اغیار نزدندہ برقات دها تظاہر ایتسون فقط بومقصد
 بو قوت نہ ایله تأمین ایدیلہ بیلیر ؛ بالطبع استبدادک بزہ
 آلیشیدر دینی عطالتی بر طرفہ آنہرق تحصیلمزہ بر سر
 عت برقیہ ، اصول تدریسمزہ بر سہولت فوق العادہ
 ویرمکہ یعنی مدارسی اصلاح ایدہرک مدرسلیرک نطقنہ
 قوت ، قلمنہ بر قدرت ویرمکہ تأمین ایدیلہ بیلہجکی ہر
 کسک بیلدیکی حقیقتلردن اولسہ کرکدر . ایشہ بوجمیت
 خیرہ مجلہ مز بو جہتلری کال بصیرتلہ دوشوندی ، بو
 احتیاجلری بحق تقدیر ایتدی کنڈیسنی بر وظیفہ دینہ
 قارشوسندہ بولہرق شوره جقدہ بر شعلہ عرفان اوایاندردی
 بزہ او شعلہ بہ پروانہ واری او شوشدک کلدک دین وطنہ
 خدمت اوغرندہ فدای جان ایدہ جکمز ارقداشلریمز ایلہ
 عہد ویمان ایتدک ای ذوات فضیلتمندان ایشہ سزده
 اوجمیت مبعجلہنک بر رکن رکنیسکمز بزم کی تشنہ دلان
 معارف اسقایہ دینری برقات دها احیایہ بذل ہمت بیور .
 دیکمز شو عظیم لطفکمزہ قارشو کال صمیمیتلہ قلمزک
 اک درین نقطہ لرندن قو بوب کلن عظیم تشکراتمزی پک
 ناجیز اولہرق تقدیم ایدیورز لطفاً قبول بیورہ سکمز ،
 جمیت مبعجلہنک مکافات لایقہ فی خزینہ لطف و مکافاتی
 بی پایان اولان جناب یزدانہ حوالہ ایتدک محترم معلمزمہ

قلمزده اوایانان دین غیرتلمرنی ، علم معارفہ اولان ہوس
 و آرزولریمزی اقدیلرہ عرض ایتکدر جناب حنک
 بزہ احسان بیورمش اولدیغنی دین مبینک خصمی دشمنی
 ہیچ بر وقت اکسبک اولمامشدر مع هذا خصمای
 دینی اسکات ، مسترشدینی ارشاد ایدہجک مجاہدین
 اسلامیہ ہر زمان کثرتلہ بولتمشدر . ہر دورہ کورہ
 درلو درلو دشمنلر پیدا اولہرق شریعت مطہریہ تعرض
 و تجاوزہ یلتمشدر . قارشیلرندہ کی دین مدافع و مجاہد
 لریدہ دشمنلرینہ کورہ ، دردلرینہ کورہ سلاح استعمال
 ایدہرک دشمنلرینی مغلوب و مجروح دوشورمشدر .
 مثلاً مجاہدین = متقدمین اسلامیہ سرچہ یہ قورشون
 فیلہ صاچہ ، پک یقینہ طوب ، پک اوزاغہ قورشون
 آتمامشدر ، طوبلہ تفنیکلہ مقابلہ ایدن دشمنہ طاشلہ ،
 دینککہ مدافعہ ایتہمشدر . آنحق خصملرینک اہمیتی ،
 قوت و سلاحنی نظر اعتبارہ آلہرق اکا کورہ استعمال
 سلاح و ادارہ لسان ایتمشدر . ایشہ کتب کلامیہ مز
 بو مدعائزک پک آجیق بر دلیلدر . متقدمین علمای
 کلامک کتابلرنہ فلسفہ دن بر اثر کورلمدیکی خالدہ مثلاً
 خریسک اثرلری بستان فلسفیات ایلہ مالیدر . عادتاً آثار
 فلسفیہ دن فرقی قائمہ جق بر حالہ کلشدر دیمک کہ دشمنہ
 کورہ سلاح ، دردہ کورہ دوا باشقہ لاشیر ایشہ بوکوندہ
 ہر طرفدن عملیہ مزہ دها طوغریسی دینمزہ تعرضلر
 ہجوملر واقع اولبور و بشقہ سلاح ، بشقہ بر لسان قو
 للانیورلر . بزایسہ اوکی سلاحلردن اوکی فنلردن
 خبرمز یوق همان فضای نا متناہیدہ بر شخص موہومہ
 طوغری سلاح انداخت ایدیورز تمامیلہ هدف مقصودی
 تمین ایدہمیورز . حالوکہ بوکونکی ترقیات حاضرہ بزم
 ایچون بو بابہ پک بیوک بر امید حاضر لامشدر کہ مطلبو
 عات و وسائط نقلیہ سایہ سندہ تا اقصای غربدن و یامنتہای
 شرقدن الحاصل چار اقطار عالمدن دینمزہ ایدیلن براعتراضہ ،
 بر ہجومہ اولدیغمز یردن مدافعہ ایدر دین مبینک علویت

ده عین تشکراتمزی تقدیم ایله ختم کلام ایلم افندم .

بیان الحق

قونیہ علمای اسلامیہ سی وطلاب علومنک آتی بر
انتباه نتیجه سنده استحصا ایلدکاری شو . موفقیات
عظیمه بی تبریک ایلمر و بوبابده بذل همت بیوران ذوات
کرامه تقدیم تشکراتی طوغریسی موجب . فخرت بیلرز
امید ایدرز که و طعنرک هر طرفندکی ارباب سی
وغیرت شو بپوک . موفقیاتی کنیدیلرینه برمدار تشویق
بیلرک متنبه اولورلرده بزده قریرالین اولورز .

ترانه تجیل

ای غبطه بخش کائنات ، ای مطلع هدی !
خلق ایتدی نوریکی سنک الله ابتدا
اک صکره کلدک اما یننه حضرت خدا
بالمله انبیایه سنی ایتدی مقتدا .

طوغدک ؛ ضیای فیضک ایله طوغدی اختران
کلدک ؛ وجوده کلدی سنکله بتون جهان
یوکسلدی ؛ ای وجودی وجوده سبب اولان !
علویتنکله ، رفعت شانکله آسمان

بخش ایتدی شعله جالک مهر و ماهه فر
رنک آلدی لمعه رخکدن هپ شکوفه لر
قوشلر سکا نشیده اشواقی عرض ایدر .
عشقکه جویبارلر جاغلار ، آقار ، کیدر

طوغدک ، جهانی قابلامشدی جهل و مسکنت
ایلردی هر فالفه هرکس مجاسرت
برپرده ظلامه بور و نمشدی هر جهت
طوغدک ؛ جهانده پارلادی انوار مسعدت

سن طوغمسه یدک ای ذکای اعتلا اکر
بیلمز ایدی تمدن ، ترقی ندر بشر

عمر بشر ایلردی سفالت ایله کذر
علم اولوردی آدمه ماتمکه کذر

ای قره دودیده ابجالمز بزم
تشریفکذرله باشلادی اجلامز بزم
اولدمدر ایشته مبدأ اقبالمز بزم
اول دم آچیلدی غنجه آملزم بزم

رحمت ایچون خداسنی ارسال ایلدی
سنده بتون فضیلتی اکمال ایلدی
حق درت کتایده قدریکی ابجال ایلدی
قرآن معجزی سکا انزال ایلدی

قرآن که افق مطالی نور حقیقتک
قرآن که بدر انوری یکسر هدایتک
قرآن که روحی علمک ، فنونک ، سیاستک
قرآن که باعث حقیقیسی سعادتک

اک شانلی ، اک کریده بر برهان رفعتک
قرآندر اوت سنک میزان قیمتک
قرآن که قره عیون فخری امتک
اعلای شانکه یترا ایشته بو محبتک

ای خاتم الرسل ، ایا محبوب کبریا !
بیکلرجه احترام و صلاوة و سلام سکا
ای عاصی امتک شفیی فخر انبیا !
ایتمکده یز مقام معلاکه الانبیا

غفلت ایچنده قالمشز ، یوق انتباهمز
مولایه قارش یوق یوزیمز ، چوق کنناهمز
سنسک فقط شفیعمز ، سنسک پناهمز
مأمولدر شفاعتکله هپ فلاهمز .

قونیہ فتحیه مدرسی

ابن حازم نعیم